

龍山縣志卷之七

兵防下

兵事

嘉慶元年二月辛卯白蓮教匪攻龍山城知縣林龍章督勇擊之賊退據來鳳

先一年苗變龍山汛兵皆調征三廳無畱者城故單空賊警至龍章止居民毋他徙捐俸募勇丁誓守城而邑監生黃之翰民晏多略各出貲集鄉勇應之龍章令訓導許忠鍇典史王謙分領其眾屯四城上部

龍山縣志

卷之七

兵防下

一

署周嚴人心大定時白蓮教由四川入湖北邊境二月庚寅陷來鳳詰旦偪龍山邑人素服龍章聞令殊各自奮十萬眾環攻之城上礮石雨下賊卻復前者三死咋不能入傷斃綦多賊挫而退

乙未賊掠招頭寨紳士王岡錫劉士武等率鄉勇擊走之

招頭寨他砂里地也素殷富賊恣慾之乘夜自來鳳出繞城而南急馳七十里掠其地王岡錫等率鄉勇擊之敗斬首三百級餘賊棄所掠物回竄

丙申邑民晏多略擊賊於都車壩賊敗走

賊自他砂而退也轉道洗洛里都車壩里民晏多略率鄉勇擊之復敗道新寨坪而上沿途焚民房作聲勢思以懾追者多略乘火光夜蹴之斬馘甚眾明日賊由泥壩田十字路退入來鳳

庚子知縣林龍章督勇渡河擊賊大敗之

來鳳舊無城賊初至時官舍市廛焚燬殆盡至是無所頓宿以土堡民舍稠密遂屯據之然不意我軍之出而擊也其黨先出外四掠守營者二百人亦皆坐

龍山縣志

卷之七

兵防下

二

甲嬉戲龍章偵其實督鄉勇由謝家壩急渡河斫其營守者猝不及械俱刃之賊自外歸者皇遽無伍列逆戰旋潰走龍章乘勝追北共斬首三百級奪獲器械無算賊退據旗鼓寨

三月己未四川建昌鎮總兵諸神保領川兵至營春廠坪

先是賊嘗謀夜襲城環城外不半里往復皆賊蹤守堞者勞不遑寐及神保營春廠坪與爲扞蔽自是賊不敢夜偪城先癸丑永順協副將慶溥領兵至駐城

內神保部下兵甚少既至吏民更請入城不許  
庚申賊撲諸神保營官兵以連環槍擊之賊敗退

賊先攻城北門訓導許忠錯督勇擊之賊不得進則  
緣城而東偪神保營時川兵大隊尙未至神保麾下  
僅百數十人賊遙向營呼噪神保不爲動令其兵爲  
十餘團團各十人手火槍候賊近循環擊之聲沸不  
絕丸子皆注賊無虛落者先摧其大纛前鋒死者無  
算賊奪氣走

甲子賊大舉攻城南門諸神保督兵自東出擊其後賊  
龍山縣志  
卷之七  
兵防下  
三  
潰走

賊自旗鼓寨傾營出攻城南門悍黨十餘萬其軍鋒  
各背巨木板手短刀閒以執梯者將乘而入城上矢  
石不能擊勢方危無何賊陣動登眺樓矚之則神保  
兵自東來鈔其尾賊驚反顧於是城中兵縋而出夾  
殲之賊窘奪路竄麟藉死者相屬官兵追北斬首數  
百級奪獲器械馬匹無算

丙寅四川總督孫士毅統藏兵自西至軍於紅崖堡  
紅崖堡界來鳳距賊巢十里賊恐士毅兵掩襲之自

是嘗堅守不復引兵出渡河而南龍山案堵  
四月庚辰總督孫士毅薨於軍

時士毅方軍屯於大堰坪環旗鼓寨左右以偪賊賊  
勢方蹙士毅薨其部曲以四川將軍觀保代領之  
五月癸丑湖南總督福甯統兵至勦賊賊大敗退不復  
出

時將軍觀保營紅崖坨總兵諸神保營官渡口湖廣  
兵由謝家壩渡河擊賊兩軍分左右鈔之賊屢戰敗  
勢益窮蹙乃堅壁爲負隅計不復出知縣林龍章典

龍山縣志

卷之七

兵防下

四

史王謙計誘賊酋胡正中斬之

七月己未官軍渡河擊賊大殲之餘盡降散龍山平  
官軍分道再渡河擊賊賊空營出甫戰游擊楊治甯  
亡於陣總督福甯憤甚擣軍進誓滅賊永順協兵孫  
應奉宋吉儒喻士德等十二人賈勇前行投火彈焚  
其柵大軍呼噪乘之賊死者相藉餘皆竄走追北至  
總管寨黃柏山斬馘無算降散數萬人龍山平  
陣亡兵勇

舒 云 張士奉 朱復升 張世富 鍾大文

傅文榜 陳朝華 覃勝遠 張士華 田金才

向吉昌 郭華佑

以上兵一十二名

王大榜 武生 張順超 武生 向正鼇 文生 鍾之嶽 文生 蔡通誠

龍國正 雷祖富 李玉榮 李玉華 魯萬林

田忠信 向林 向珍 向有瓏 向祖

向正 劉朝占 向祖儒 向科 向啟升

向啟富 童有元 馬富達 彭良才 田宇文

田啟文 田德王 鼇 向金 向坤

龍山縣志

卷之七

兵防下

五

向才 田啟盛 李現章 康振玉 袁明高

向大明 梁庭瓏 符朝品 楊啟富 劉士清

熊國溺 鄒壯星 劉添祿 田文揚 田志榮

蔣朝秀 劉賢宗 劉鸞 文士禮 劉勝朝

方科 丁星見 鄒士亨 胡正武 胡文鳳

胡文心 張明卷 向文拔 彭元倫 向大學

梁名士 陳志科 文守禮 張應聘 吳正榜

謝大蘭 李三勝 吉士仁 張仲榮 邱賢章

明士會 彭文林 彭有林 陳泳富 王回科

楊正科	龍車榮	尹才高	張勤正	張士高
彭光才	張國旺	張光敖	吳啟光	彭應略
毛志勇	楊上進	楊志富	鍾之舉	向啟業
田文富	杜永陞	姚正明	胡子爵	舒忠堯
張壽儒	田正敖	田文正	蕭理周	田光照
彭文相	馮南	李祥	向虎	陳仕榮
王啟順	羅其貴	田天德	陳守謨	王文榜
吳廷英	何國順	楊漢滔	徐親明	周治
黃義	彭有祿	李必萬	唐宗堯	馬千仁

龍山縣志

卷之七

兵防下

六

彭宏輝	唐守宇	彭啟元	魯煌欽	田世貴
李富太	田啟學	鄧文超	田世魁	向國正
向開義	田成	向先	滕有聰	田榮德

以上勇一百三十五名外有向姓四人田四人夏一高一周一滕一蕭一李一蔡一蔣一合十六人佚其名通共一百六十三名均奉

卹賞附祀昭忠祠

以上白蓮教匪之變

咸豐十一年八月己巳賊警至

先是邑販鹽者多駐郁山鎮時黔寇入四川擾至羊角磧販者紛然竄歸故邑聞警羊角磧四川涪州地也郁山鎮屬彭水相距九十里龍山距郁山鎮三百六十里

甲戌邑紳訓導黃一澧州判黃元齡經歷黃模本募義勇入城守之

賊警至邑人皆驚竄城爲之空令不能禁典史朱克敬則約眾至慷慨申大義繼以涕泣誓與死守不去故黃一澧等合族募義勇二百餘人應之邑先辦團

龍山縣志

卷之七

兵防下

七

防兵械具備於是人有所恃去者旋歸

癸未永順協副將張昕率兵二百人至

永順協兵先數年常調征湖北江南名省故多與賊習而能於戰者時分隊屯城上而邑城汛兵與義勇聞之於是城汛千總宋士成守東門張昕麾下守備姜南焜千總田士材守西南門其北門爲衝要則張昕自守之營幕森羅旌旗蔽樓堞入夜列炬如繁星聲勢宣壯人心大定鄰境避亂者皆歸之士成儒雅有局幹守東門昕夕勤悴無隙可攻當事危時尤能

閒整以安眾心識者稱之

九月辛丑晨賊自來鳳攻邑城北門永順協副將張昕督兵勇擊退之

先是己亥日賊陷湖北咸豐是夜破來鳳土地埡關隘詰朝守隘各勇逃歸來鳳城居民聞賊近皆竄城不堪守其知縣王頌三則於日中焚火藥庫而以五巨礮畀龍山懼齋賊也及夜賊入王頌三殉城死之賊黨且四出焚民房火光連數十里星月色爲之掩而龍山亦自焚其附城民房遠近火光相照耀竟夜

龍山縣志

卷之七

兵防下

八

不熄是日晨賊渡河攻縣城初至勢甚銳直薄北門卓矛如林羣呼噪將一躍而入張昕手火槍擊斃悍賊一其兵隨擊之四發殪四人賊少卻而義勇跳城下縱以矛賊多傷者挫而退仍據來鳳城方賊攻城時其居民皆距踴陴上刀矛少則婦女掘街石濟之賊多破碎腦額抱頭而竄其張昕所斃賊驍勇爲彼眾冠自起事來所陷名城數十皆彼持幟先登者也至是死賊遂奪氣

壬寅誅叛勇高連陞等十三人

十三人者來鳳人先應募堵土地埡老蛙關者也及兩關隘破他勇皆逃獨十三人者降於賊屬入龍山城爲內應辛丑晨先彼眾至城下僞逃賊者城上兵素識之不疑也縋以入迄賊之由龍山而退也其軍鋒某傷於足至張家嶺不能行眾委之去有鄉勇縛以入見副將張昕將斬高連陞遽前力保之張昕廉其實與賊通并鞠賊舉十三人者姓名蓋約於是夜殺主將焚營幕引賊眾而襲其城也時并高連陞誅者三人餘九人先匿越日皆捕獲斬之搜其身有賊

僞劄火彈各物

甲辰賊大舉圍城永順協副將張昕督兵勇擊退之賊眾數萬環城者數十重我兵併力擊之自寅至午不退時龍陽人卽補知縣易佩紳統軍入蜀道龍山其前軍由獅子嶺而下軍容甚盛賊見之旣城堅不可下重以援師之至也乃引退然是時城中火藥盡槍礮鐵皆赤不堪用亦危矣哉邑環城地多陷下惟南嚮一隅隆起與城埒時夜未盡賊謀乘其地襲入城先道春廠坪有鄉勇許華智等數十人各巡所居

者迎與戰賊爲所牽遂不及襲城及鄉勇見賊眾各驚竄賊始合大隊圍城然天已明矣時許華智戰死丙午易佩紳軍戰敗於官渡口

時易佩紳自茨巖塘督中後兩軍千餘人由十字路進其後軍五百餘人駐春廠坪者由象鼻嶺與之會合軍至官渡口初勢甚銳賊眾出來鳳城逆戰遽敗之所殺傷數十人賊退走佩紳攜軍躡之直抵清泰門先是賊分三隊駐城者爲中隊駐白楊坪者爲左隊駐土堡者爲右隊當中隊退入城時而其左隊由

茅草灘渡河右隊由紅巖坨渡河至官渡口合鈔其後於是城中賊復出戰易軍腹背皆敵殊死力衝擊之然以寡眾不當死者四百餘人餘皆潰圍走其中後軍餘者仍歸茨巖塘賊追至陽雀城始舍之前軍敗歸春廠坪追者至擲火彈焚其營城中義勇許太學等十餘人躍而下援擊之各兵奔入城追者退而許太學已戰死

戊申鎮筮左營兵三百人至

易軍之敗賊益猖獗時躍馬張家嶺上憑高指畫意

氣驕揚又謀有製造雲梯土囊乘夜劫城之舉副將張昕嘗周徇五城門達旦不得寐兵勇單少無更代者勞瘁累晝夜人心皇然是日鎮筮左營游擊劉元魁率兵三百人入城守禦堅完人心稍定自是賊不至城下然民或又有苦兵者

甲寅鎮筮捷勇五百人練勇二百人至

合七百人併營北門外高阜上阜高與城堞埒而距城又十數武而近使賊據之置巨礮向內擊則城上不能立人城其危哉至官軍營其上則不惟無以資

龍山縣志

卷之七

兵防下

十一

賊且與城有犄角之勢自是賊不再攻城矣捷勇鎮筮參將熊興柏所領練勇屯守備張仁傑所領

十月辛酉河水大漲

先是各津渡處有舟泊南岸者邑人皆碎沈之其北岸舟有二舸是日方黎明賊竝舟順流下謀搜掠仙人洞中流忽暴水湧至高於舟者數尺舟爲之溺賊數十人皆死邑與來鳳距河爲界自是月餘水不落賊不能渡河而邑西北得安堵其謝家壩螺螄灘各戶有藏穀者皆得運於城以濟兵民之食河水從未

有十月漲者宜落而忽漲蓋天意云仙人洞在河北岸石壁上邑民多匿其中賊意其儲侍之富也故謀搜掠之

十二月乙卯粵賊石達開犯龍山

賊黨數十萬人由瀘乾而上是日由保靖里耶入縣境縣城偏西北故東南境極寥闊自黔寇踞來鳳邑西北已受其擾及石黨入而東南竝殘破無完土矣賊貪而狡所在蓋藏一空甚至掘塋墓涸井夷竈以求之而其最慘酷者則莫過於搜洞如是近一月始

龍山縣志

卷之七

兵防下

十二

出境凡洞皆高險賊猝不得上則以毒煙薰之取民間所用風車然毒煙於內捲竹簞爲筒接車口上嚮洞持風扇扇之其煙直入無旁散者凡洞祇一門煙入不得出卽皆悶逼而死或中有水塘則爭伏堰上以口鼻浸水中然均之死矣如他砂沙坪兩洞匿者各二百餘人固無一倖存者同時墨龍界梁家灣各處里民據高險結寨而居護以滾木礮石賊力攻之不得上乃舍去夫洞實絕地斯民之愚如斯吁可哀已

己巳總鎮周達武擊賊於茨巖塘

賊由沙坪犯茨巖塘眾十數萬蔽巖谷而出望之不  
見其尾賊前撲易佩紳營其軍力與戰逾時未退適  
總鎮周達武率所部方至賊於是悉眾轉擊之達武  
遽據高險搗精銳搏戰餘築壘其間且築且戰迄賊  
退而營壘屹然麾下戰死者二人副將某都司某也  
方賊退時而貴州總兵江忠潮江西巡道席寶田永  
州總兵王永章各軍又適至截賊於路賊方轉戰而  
前而易佩紳周達武兩軍復躡其後擊之賊腹背受

龍山縣志

卷之七

兵防下

十三

敵力不支奪路走踣巖谷死者無算所殺傷數百人  
先是石達開由廣西入湖南西邊規道沅辰順流東  
下犯省城經各軍抵擊之乃折而上至是復謀由永  
慈下犯復阻於茨巖塘迄不得逞自是賊無意湖南  
矣浹旬遂出龍山境而西入四川

同治元年正月乙酉粵賊石達開率其黨出龍山境  
賊不攻縣城由城南北繞道官軍堡華塘壩各處渡  
河其眾摩肩擊轂塗不能容晝則旌旗翳林阜夜列  
炬如繁星前後絡繹至是凡五日乃已至來鳳授黔

寇僞職令爲斷後更一日西入四川境當賊過時鎮  
筭游擊劉元魁欲出軍截擊之副將張昕固不許元  
魁嘗以爲怯竊意城中兵勇較彼眾百分之一持以  
擊之必敗彼乘之而攻城必拔矣是固賴有老謀而  
持重者不然尙可問哉張昕之守龍山也其勞瘁獨  
至雖及諸軍麇集而責無旁謝隆冬雪積三尺北風  
刮面如刀棱張昕則晝夜坐或起巡城上達旦不休  
士卒更代侍之猶多告勞者而獨始終無所懈弛縣  
城完保繫厥首功顧其時勢餘於守而不足於戰或

龍山縣志

卷之七

兵防下

十四

因人言而輕於一發則前功皆隳矣故人尤服其鎮  
定云

壬辰各軍渡河擊賊大殲之餘賊敗走四川收復來鳳  
城龍山平

時賊眾屯三處各軍卽分三道勦之官渡口爲中軍  
正南壩陡坎子爲上下軍先距河列槍礮擊賊賊拒  
敵逾數時丸子激射如雨水爲之沸陡坎子北岸有  
民廬當賊右方兩相持時總兵王永章則率精壯數  
十人各手短刀由下游鳧渡躍登北岸沿河上時煙

塵四漲賊猝不及見也永章急與數十人者繞民廬後排刃如牆大誼譟出賊右賊倉皇手槍格之而刃已攢於脇死者數十人陣方亂而總兵趙福元周洪印各軍及龍山城兵勇一鼓渡河乘而擊之於是土堡賊皆敗棄營走入城而賊之屯白楊坪者同時爲江忠潮席寶田各軍擊敗之竝燬其營亦竄入城城中賊旣拒敵官渡口瞥見土堡賊敗而白楊坪火大起胆懾不能戰竝返走於是周達武易佩紳及府同知戈鑑各軍俱渡河蹴賊圍城三門飛筈越垣火大

起各軍卓矛於地躍城上城上賊皆棄軍械爭向城西門走出門狹眾相躡藉僵尸積地皆蹊而過之其他躍城下亦多顛折死者各軍追北至四川境乃止旣滅火搜民房獲被鹵婦孺甚眾越日各還其家前後戰死者千餘人官軍收復來鳳縣城而龍山縣城之完守也繫倚副將張昕之力而亦永順知府張修府主制於上徵兵請餉皆應期先事有備繼厚積其兵力故雖巨寇環伺竟無虞也方危急時同死守勿去者貢生鄭秉彝劉沛文生鍾必瑚饒維煜黃榮本

饒榆齡例得附書

陣亡義勇八人

許太學年二十八歲本城里人咸豐七年從征黎平古州有功保藍翎外委十一年九月二十日賊撲東門太學奮勇縋城與賊遇於春厰坪挺矛當先立斃執旗賊酋一會援絕被創數十死子家興十歲家祥甫晬

楊楚勝年三十六歲五寨里人充義勇十一月二十日追賊於毛長坡遇伏力戰死賊斷其首去

龍山縣志

卷之七

兵防下

十六

秦光浩二梭里團丁奉調守城十一月二十三日與賊戰於謝家壩陣亡弟遂光同死

許華智年四十六歲本城里人九月十六日率鄰族禦賊於春厰坪短衣握刀連斷賊長矛五賊已敗退伏發華智背中矛撲地死鄰族驚散子胄理奪尸疾走賊追之匿小橋側獲免

余瑞仁年六十歲二梭里人集團丁守隘身先當賊斃其四賊蠡擁入團丁潰瑞仁被執不屈賊刳其腹而齧之

舒立貴年十八歲本城里人十一月二十四日在茶亭寺援劉守備深入賊圍受重傷死

楊崇華年四十歲分守北城禦賊中火槍死

附錄二人

向得勝年二十八歲四川人充虎威勇十月十八日戰沒於華塘壩賊分其尸而攜去同伴劉昌齡目擊之昌齡被掠於十二月脫歸述之如此

李安邦年十八歲保靖縣人與舒立貴同殉死難士民三十六人

龍山縣志

卷之七

兵防下

十七

師象端四甲里武生奉父萬清母鄭氏年皆八十餘避居巖洞賊圍攻之率二子慎卓慎初出禦先後斃賊十二名賊悉眾來攻父子皆被殺雇工向天貴佃戶劉永耀亦死之

饒琢年三十一歲本城里正南壩人貢生建侯子九月十六日賊突至琢奉母節孝鍾氏避烏鴉河旋徙白巖里被執至來鳳脅降不從恚憤飲藥死妻覃氏年二十九歲矢志守節

陳元魁年四十歲洛塔里小茅坪人賊至他砂元魁

欲奉母 氏避居巖洞母以老疾堅不從命攜其二子昌麒昌麟往畱七歲女孫甲秀侍賊至索金帛竝詰丁口所在母大罵遇害竝殺甲秀元魁聞之慟亟懷利刃逆賊於塗斫其酋中肩斃賊眾出元魁後猝縛之遂被戕賊旋搜洞中掠其二子去昌麒乘雪夜脫歸芭蕉坨楊姓家慍而死

殺賊不克死者王才道四甲里人因賊掠其二子盛修盛懷與賊鬪賊支解之陳朝璽年四十歲賊至持刀力戰以眾寡不敵被害唐魁先年六十歲手斃二

賊賊眾攢矛刺之死皆他砂里人

罵賊死者熊光敖年八十歲洗羅里人文生余承嵩文生余卿雲年七十二歲田盛富年八十六歲賊褫其上下衣以刃捶之數十至死罵不絕周恆相年八十二歲何元貞年八十餘歲與妻田氏同殉鍾有名年七十二歲謝大鈞年七十七歲身被七刃皆他砂里人又有瞿輝楚者賊至以理斥被礮擊死

被執不屈死者監生陳德章年四十四歲爲賊脅至胡家寨抗節死杜海波年六十四歲賊熾鐵徧烙其

體余光烈年五十歲爲童子師賊挾其首去余承恩年六十八歲胡德章年六十四歲余昌太年九歲向朝杰向國成楊宗林伍經元及其妻胡氏皆他砂里人伍茂椿年五十餘歲本城里人

向廷輝洗羅里人被殺於豬觜山妻王氏殉

田宗瀛年三十歲洗羅里人爲黃希曾守宅九月十九日賊至宗瀛奮力禦之身受數十創竝斷其首吳秉位年六十七歲二梭里人爲貢生向廷浦守榨房賊縱火秉位力撲之死於賊刃

龍山縣志

卷之七

兵防下

十九

附錄二人

黃大貴年五十九歲長沙人與田宗瀛同守希曾宅被殺

黃天旦年七十歲四川人傭工向廷浦家四十餘歲賊焚榨房亦以救援遇害

右永順府知府張修府所輯龍山殉難勇丁士民婦女事略載所著谿州官牘內茲採勇丁士民錄入餘婦女附具節烈門

以上長髮賊匪之變